

03.11.2021

UKA2021/83

**Ilulissat kangerluata UNESCO-miittortaata angissaqutai ajoqtaalu pillugit Naalakkersuisut UKA2022-mut saqqummiussassamik nassuaasioqqullugit peqquneqarnissaanut Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

Siunnersuuteqartoq Inatsisartunut ilaasortaq Aqqalu C. Jerimiassen, Atassut qujaffigalugu imaattumik Siumumiit oqaaseqassaagut.

Siumumiit siunertaajuaannarpooq Nunatsinni illoqarfiiit aamma nunaqarfittaaniq taaneqartartut nammineerlutik naqisimaneqaratik pisinnaaffitsik aallaavigalugu ineriaartorsinnaanissaminut aalajangersaaqataanissaminut oqartussaaffimminnik arsaartorneqannginnissaat. Taamaammat kommunit oqartussaassusermik inatsisitigut pisinnaaffimminnik oqartussaassuseqarnerat Siumumiit innarlerneqannginnissaat tamatigut tapersortuassavarput.

Siunnersuuteqartup oqariartuuta UNESCO-mi ilaasortaanerup kingunerisaaniq illoqarfip ineriaartornissaanut killilersuisutut inissisimanera ilungersunartutut isigalugu siumumiit paasinnittuarpuget.

Siumumiit peqataaffigisuaannarsimavarput eqqartueqataaffigalugulu nunatsinni innuttaasunut pitsasumik ineriaartortitseqataanissamik aalajangeeqataasarnerit, uani kingullermi timmisartunut mittarfissap allilernissaanik akooqataalluarnikuuvugut, nunatsinnimi Ilulissap kusanarluinnartutut inissisimanermigut takornarianit ukiorpassuanngortuni tikerarfigilluanermigut aningaasarsiorfissatut siunissami takornarialerisunut tapertaalluarsinnaanera nunattalu aningaasaqarneratigut isaatitsiffiulluarsinnaasoq.

Soorunalimi pitsasuuvoq nunamiut allat nunamik kingornussassatut siunertaqartumik iliuuseqartarnerat. Siumumiilli isumaqarpugut illoqarfip siunissaq ungasissoq eqqarsaatigalugu ineriaartoqqinnissaminut pisinnaatitaaffimminnik aporfilersuisinnaasut suulluunniit nalilersortuarsinnaanerannik innuttaasut akuutinneratigut periarfissaqartuaannartariaqartoq.

Taamaammat siunnersuuteqartumut paasinnilluta siunnersuut ataatsimiititaliami susassaqartumut ingerlateqqipparput.

Mala Høy Kúko Siumut